

საქართველოს შინაგან საქმეთა სამინისტროს

განცხადება (საჯარო ინფორმაციის მიღების მოთხოვნით)

საქართველოს ზოგადი ადმინისტრაციული კოდექსის 37-ე, 38-ე და მე-40 მუხლების თანახმად, გთხოვთ მოგვაწოდოთ შემდეგი სახის ინფორმაცია:

- 1) 2009-2016 წლებში (ცალ-ცალკე) სისხლის სამართლის კოდექსის 322¹ მუხლის - „ოკუპირებულ ტერიტორიებზე შესვლის წესის დარღვევა“ შესაბამისად გამოვლენილი სამართალდარღვევის შემთხვევების რაოდენობა;
- 2) 2009-2016 წლებში (ცალ-ცალკე) სისხლის სამართლის კოდექსის 322² მუხლის - „ოკუპირებულ ტერიტორიებზე აკრძალული ეკონომიკური საქმიანობის განხორციელება“ შესაბამისად გამოვლენილი სამართალდარღვევის შემთხვევების რაოდენობა და ეჭვმიტანილი კომპანიების ჩამონათვალი;
- 3) 2009-2016 წლებში (ცალ-ცალკე) სისხლის სამართლის კოდექსის 322¹ და 322² მუხლებით გათვალისწინებულ დანაშაულში ეჭვმიტანილი პირების საქართველოს საზღვარზე დაკავების ან/და საზღვარზე შემოსვლის აკრძალვის შემთხვევების რაოდენობა;
- 4) უცხო ქვეყნის მოქალაქე მაღალი თანამდებობის პირების სია, რომლებიც ეჭვმიტანილი არიან ოკუპირებული ტერიტორიების სამართლებრივი რეჟიმის დარღვევაში. მათი ე.წ. შავ სიაში შეყვანის თარიღის მითითებით.

აღნიშნული ინფორმაცია გთხოვთ მოგვაწოდოთ საქართველოს ზოგადი ადმინისტრაციული კოდექსით დადგენილ ვადებში.

საქართველოს ზოგადი ადმინისტრაციული კოდექსის 37-ე მუხლის თანახმად გთხოვთ ის ინფორმაცია, რომელიც იწარმოება ელექტრონულად ან/და შესაძლებელია მისი ელექტრონულ ფორმატში გადაყვანა, მოგვაწოდოთ ელექტრონული დოკუმენტის სახით შემდეგ მისამართზე - info@idfi.ge, ხოლო დანარჩენი ინფორმაცია ქსეროასლის სახით.

გაცნობებთ, რომ ა(ა)იპ - ინფორმაციის თავისუფლების განვითარების ინსტიტუტი მზად არის, გადაიხადოს „საჯარო ინფორმაციის ასლის გადაღების მოსაკრებლის შესახებ“ საქართველოს კანონით დადგენილი მოსაკრებელი.

პატივისცემით,

გიორგი კლდიაშვილი

დირექტორი